

# استبصار

نومرو ۱۴

پنجشنبه

۱۱ کانون اول ۱۳۲۴

موسیو لوران، دیون عمومیه‌نک حدود صلاحیتی قریباً کنديسنه بیلدیره‌رك  
بو اداره‌ی اجنبی دایسرك فائض و رأس‌المالارینه ضرر ویرمکسین مالیه‌نک  
بر شعبه‌سی کی اداره‌یه موفق اولورلر. ...

## سیاست و اخلاق

اون اوچنجی نسخه‌دن مابعد :

دولت آدمک، بالنسبه غیر صاف اولان بو یاردیم‌لردن صرف نظر ایتسینی  
طاب ایتمه‌لیدر. اخلاف خصوصیه‌سی اعتباریه حرمته پک لایق اولمیان و فقط  
دولته بیوک خدمت‌لر ایفاسنه قادر اولان بر ناطری ضرورت احوال ایله موقع  
اقتداره کچیرن بر حکمدار ویا تأسیس خیرایچون حکمدارک ضعفندن ویا بر فرقه‌نک  
بصیرتسز لکندن در حال استفاده ایتمک یولنی بیلن بر ناظر تقییح اولونایلیرمی؟  
لکن هر حالده شر، حاکم اولماملی، خادم اولمیدر. شرک مظاہر اولمسندن  
پک زیاده احتراز اوزره بولونلق اقتضا ایدر .

غیر متناسب یعنی ایلمکدن چوق فئالق یابان بر واسطه، بر تدبیر هر زمان  
مردود در. بناء علیه وجدان عمومی بر عهدک آچیقندن آچیغه نقض ایدلمسینی  
ومثلاً تسلیم شرائطی نقض ایدن برغالی شدتله تقییح ایدر. زیرا، رعایت عهد  
انتظام عمومینک اساسلرندزدر .

دولتک بر نقض واخلال عهددن استحصال ایده‌بیله‌جکی خیر خصوصی ،  
بویله فنا برمثالک شر عمومیه‌سنه نسبتله پک کوچوک قالیر. بالمقابل افکار عمومیه،  
دولته مضر بر معاهده‌نک عدم اجراسنه اولدقجه لاقیدانه باقار . وجدان عمومی،  
بر عهدی نقض واخلال ایتک ایله ناکافی ویا مشکل بر اجرا آرمسندزه فرق  
بولوندیغنی وضوحله کورور . او، آنجق کذب و اغفال بولوندیغنی زمان شدتله  
تعیب ایدر .

بیوک فرهدریق ، شخص خصوصی صفتیه سوزیغنی هر زمان طوته‌جغنی  
فقط بر حکمدار صفتیه شرف و حیثیت ذاتیه‌سنی عندالحاجه سلامت دولته

فدا ایده جگنی سویلردی.

نیاده هیچ بر جنایت، قتل قدر منفور دکلدر. وجدان عمومی آنی عفو ایتمز، دولت خیرینه خادم اواسه بیله. بو خصوصده، (سن بارتلمی) نك قانی دوکونلری، سورپرشوری شرفنه بریوم مخصوص مراسم عمومی سی ترتیب اولمیشی امر ایدن بابا اون دردنجی غره غوارك رایسه استشهاد ایتك ویا وطن ویا حریت جمهوریه نك تهلكیه معروض اولمشی بهانه سبیله ۱۷۹۳ ایلول قتانی معذور کوسترمکک چالیشمق عبثدر. قتل او قدر تهلكلی و اوقدر قتادرکه هیچ بر زمان بر چاره، بر تدبیر عد اولوناماز.

لوران دیورکه «اختلالر، بر حق و بمضاده بر وظیفه ایسده قتل دائماً بر جانیتر» فقط بو اساسک استثنای یوقی در؟ تاریخ بزه سیاسی بعض قتالر کوستریکه متفکرینك وجدانی بیله تقییح ایتمز حتی بمضاً تقدیر ایدر. جدی آدملر واردرکه قیصرك قتلی مسئله سنده (بروتوس)ك دوشوندیکی کبی دوشونورلر و روسیه امپراطوری برنجی (پول)ك قتانی بر ضرورت سیاسی عد ایله معذور کورمك ایستلر.

(هولوفرن)ی اولدیرن (ژودیت)، (مارات)ی اوران (شارلوت قوردهی)، ستایشه نائل اولدیلر. آتیه لیلر شرقیلرنده (هیپارق)ك قتانی تجیل ایدرلر وحشیات نجیبه صاحبی (شیللر)، دنیایی حیران ایدن بر درامنده (کیوم تل)ی اعلا ایلر. معافییه هرکس دردنجی هازیرینك و آمریقا رئیس حکومتی (لنقوان)ك قتانی بلا تردد تلغین ایدر.

تاریخک حکمی بوخصوصده انی تمیز ایدر و نتیجه وساطتی محق کوستریر قاعده سی قبول ایتمه مکله برابر بر استثنایده جواز ویرر.

قتل، تاریخ نظرینده معفو اولور فقط یالکمز، باشقه بر چاره سی بولونمایان و امتدادی مستبدك اولدیرلمسندن دها بیوک بر قتالی تشکیل ایده بیله جک اولان بر استبداددن مملکتی قورتاردینی و حکیم شهر (اسپینوزا) نك دیدیکی کبی مستبد حقنده «بو بر قودوز کوپکدر بونی کبریکز» دیمك ممکن اولدینی وقت.

فما حركتك خير عمومي به عياناً تبعی شرطیله جواز ویریلان بو استناد  
تهاهكسز دكلدر . بر شریر ، كندیستی بر ناجی محترم عد ایدوبیلیر حال بوكه  
وجدان عمومی قارشیدنده مكرره بر جانیدن باشقه برشی دكلدر . قیهر ك قتل بیله  
جهوریتی قورنارمقدن زیاده بتون رومانی صارصدی .

لكن قاتلك حسن نیتی ، عمومك سلامتی ایچون حرکت ابتدیی حقیقه کی  
اطمئنان قویسی ، قید منفعتدن ناقابل اعتراض صورتده آزاده بولونیشی قتل  
سیاسی بی معذور كورمك ایچون كفیات ایتمز . فضیله اوله رق بو حركتك ماده  
الزم بولونمسی وخیرك ترقیسنه بداهة خادم اولمسی ایجاب ایدر .

بوكون ملتزدن انتشار ایدن وهر كسه ، حیاتی ، عمومیتك ، كلیتك اخدمته  
وقب ایتمکی امرایله بن وظیفه حس شیدی وقناعت منوره وجدانیسمی مدنیت  
مترقیه مزله هم آنكدر . مترقی ملتر ، حقوق عمومی بی وظائف عمومی کی تاقی  
ایتمکی وانسانیت ، اقوامه افراده رعایتله سیاسته نجات ویرمکی ترجیح ایدبورلر .  
حكمدارلر دخی دولتك حاكمی دكل خادمی درلر . ایجابنده مملكت اوغورنده  
فدای حیاته حاضر بولنق وظیفه سیله مكلف بولونورلر . فكر وظیفه ، قوه جبری  
ویا احكام قانونیه دن دها ایلری کیتمكده در . او ، قوتلری تربیه ، طبایعی تحکیم ،  
قللری اعلا وهرشی بر فیض قیلار .

مكتب حقوق معاملاتدن

احمد صلاح الدین

## حب وطن

نظر تمیز و حکمتده ماهیت انسانیه بی اثباته مدار اوله بیله چك ، سیرتی  
تزینه واشواق روحانی بی اعلا وادامه یه الك زیاده خدمت ایله چك اجتماعات و تمایلاتی  
صره سیله درپیش وتأمل ایدن بر صاحب امان ، وطن محبتك فوقده صایله چق  
ویا بومقدس سوکی به معادل طوبیله چق عجبا نه تصور ایدوبیلیر ؟ هر متبعدن  
قوم وملت افرادی بو محبتی بك مقدس طایمش وتاریخك شهادتیه ثابت اولدیتی  
- استشاره -